



REPUBLIKA E KOSOVES-REPUBLIKA KOSOVA-REPUBLIC OF KOSOVO
KËSHILLI PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD CIVIL SERV OF KOSOVO

Pranuar / Dorezuar Primijeno / Predato Received / Delivery	15. 01	2021	1	viti god year
Organ / Njesia Organ / Jedinstvo Org / Unit	Nr Prot Br Prot Prot No	Shtori Prilog Appendix	Sasia Kolicina Quantity	
SKIMSHICK	163/2021		1/1	



Republika e Kosovës
Republika Kosova-Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVA

A nr. 398/2020

Këshilli i Pavarur Mbikëqyrës për Shërbimin Civil të Kosovës - Kolegji për Shqyrtimin dhe Vendosjen e Ankesave i përbërë nga: Ardita Haxhnikaj Demi-kryetare, Arben Mehmeti dhe Eshref Shabani-anëtarë, me Rushit Kajtazi-Zyrtar i Lartë për Bashkëpunim Profesional në cilësinë e procesmbajtësit, ka shqyrtuar ankesën me numër A.nr.398/2020 të datës 08.12.2020, të parashtruar nga grup ankuesish,

të cilët më autorizim i përfaqëson avokat _____ me adresë banimi, Rr."Dr.Bajram Karsniqi", Nr.7, 11 000, Komuna e Podujevës, kundër organit të punësimit Komuna e Malishevës, në çështjen juridike "kompensim material", duke vepruar në pajtim me nenin 6 paragrafin 1 nen paragrafin 1.1 dhe nenin 18 paragrafin 1 nen paragrafin 1.7 dhe 1.8 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr.02/2018 për Rregullat dhe Procedurat e Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur me datë 15.01.2021, mori këtë;

V E N D I M

- I. Hedhet poshtë si e pa lejuar ankesa A.nr.398/2020 e datës 08.12.2020, e parashtruar nga ankuesit
- II. Këshilli i Pavarur Mbikëqyrës për Shërbimin Civil i Kosovës, Shpallet jo kompetent për të vendosur për ankesën e ankuesit _____ 'ë parashtruar përmes ankesës me numër A.nr.398/2020 të datës 08.12.2020.

A r s y e t i m

Ankuesit _____

që të gjithë punëtorë të Komunës së Malishevës, përmes përfaqësuesit të tyre ligjor avokat Bekim Sfishta, me datë 08.12.2020 përmes postës kanë parashtruar ankesë me numër protokolli 3006/2020 e regjistruar me numër A.nr.398/2020, në Këshillin e Pavarur Mbikëqyrës për Shërbimin Civil të Kosovës.

Këshilli i Pavarur Mbikëqyrës për Shërbimin Civil të Kosovës, bazuar në dispozitat e Rregullore Nr.02/2018 për Procedurën e Shqyrtimit dhe Vendosjen e Ankesave, më datë 14.12.2020 ka

dërguar kërkesën për përgjigje në ankesën e ankuesit tek Komuna e Malishevës, ndërsa me datë 29.12.2020 me numër protokolli 3331/2020, Këshilli ka pranuar përgjigje në ankesë nga Komuna e Malishevës, se bashku me shkresat e bashkangjitura.

Kolegj për vërtetimin e plotë dhe të drejtë të gjendjes faktike, si dhe vendosje meritore të çështjes, ka administruar këto prova: Ankesën A nr. 398/2020, e datës 08.12.2020, me numër protokolli 3006/2020, drejtuar Këshillit të Pavarur Mbikëqyrës për Shërbimin Civil të Kosovës; Autorizimin e datës 18.02.2018, për avokatin Listën e Punëtoreve; Aktvendimin e datës 08.08.2016; për ankuesin Akt Emërimit e datës 11.01.2012 për ankuesin Akt Emërimit e datës 11.01.2012 për ankuesin Akt Emërimit e datës 21.05.2019 për ankueses Akt Emërimit e datës 04.01.2012 për ankuesin Gashi; Akt Emërimit e datës 11.01.2012 për ankueses Akt Emërimit e datës 11.01.2012 për ankuesin Akt Emërimit e datës 21.05.2019 për ankuesin Akt Emërimit e dataës 21.05.2019 për ankuesin Akt Emërimit e datës 21.05.2019 për ankuesin Listën e pagave të datës 01.12.2020, deri 31.12.2020, për grup ankuesish; vendimin e datës 07.12.2020, për shpërblimin të përvjetorit (jubile), për vendimin e datës 07.12.2020, për shpërblimin të përvjetorit (jubile), për vendimin e datës 07.12.2020, për shpërblimin të përvjetorit (jubile), për vendimin e datës 07.12.2020, për shpërblimin të përvjetorit (jubile), për vendimin e datës 07.12.2020, për shpërblimin të përvjetorit (jubile), për vendimin e datës 07.12.2020, për shpërblimin të përvjetorit (jubile), për vendimin e datës 27.11.2020, për shpërblimin të përvjetorit (jubile), për vendimi i datës vendimin e datës 27.11.2020, për shpërblimin të përvjetorit (jubile), për vendimin e datës 27.11.2020, për shpërblimin të përvjetorit (jubile), për vendimin e datës 27.11.2020, për shpërblimin të përvjetorit (jubile), për vendimin e datës datës 16.09.2020, i Komisionit për Zgjidhjen e Kontesteve dhe Ankesave; Ankesën e datës 30.06.2020, drejtuar Komisionit për Zgjidhjen e Kontesteve dhe Ankesave; Vendimin e datës 02.12.2020; Përgjigjen në ankesë te datës 29.12.2020, me numër protokolli 3331/2020, formulari i Vlerësimit të Rezultateve të Punës për vitin 2019 pr

Kolegji për Shqyrtimin e Ankesave pasi ka shqyrtuar të gjitha shkresat e lëndës, të parashtruara nga palët, ka konstatuar se ankesa A.nr.398/2020 e datës 08.12.2020, e parashtruar nga ankuesit

është e pa lejuar, sepse:

Ankuesit në ankesën e dorëzuar me datë 08.12.2020, në Këshillin e Pavarur Mbikëqyrës për Shërbimin Civil të Kosovës, pretendojnë që t'iu njihet e drejta për kompensimin e pagës së trembëdhjetë (13) për çdo vit kalendarik, në vlerën e pagës bazë, pagat përcjellëse në rastin e pensionimit në lartësi të tri pagave mujore, pagesën për shpërblim jubilar si dhe pagesën për ushqim ditor për ditët e pranisë në punë duke u bazuar në dispozitat ligjore të Ligjit Nr. 03/L-149 për Shërbimin Civil, Ligjin Nr.03/L-212 të Punës, si dhe Marrëveshjen e Përgjithshme Kolektive.

Kolegji për Shqyrtimin e Ankesave, bazuar në shkresat e lëndës, ka gjetur se ankuesit janë të punësuar në Komunën e Malishevës, të cilët me datë 18.02.2020 i janë drejtuar me kërkesë Drejtorisë për Buxhet dhe Financa si dhe Zyrës së Personelit në Komunën e Malishevës, për njohje të të drejtave të pretenduara si në ankesë, por siç deklarojnë, asnjëherë nuk kanë pranuar ndonjë përgjigje lidhur me kërkesën e tyre. Ndërsa me datë 30.06.2020, ankuesit përmes përfaqësuesit të

autorizuar Avokatit _____ kanë parashtruar ankesë, me bazë të njëjtë, në Komisionin për Zgjidhjen e Kontesteve dhe Ankesave të Komunës së Malishevës. Komisioni për Zgjidhjen e Kontesteve dhe Ankesave i Komunës së Malishevës më datë 16.09.2020 ka nxjerr Vendim me Nr.01/918 me të cilin është shpall jo kompetent për shqyrtimin e ankesës së ankuesve.

Kolegji për Shqyrtimin dhe Vendosjen e Ankesave, bazuar në nenin 50 paragrafi 1, dhe nenin 81 paragrafi 2 nën paragrafi 2.2 të Ligjit Nr.03/L-149 për Shërbimin Civil, i cili ka qenë i aplikueshëm deri me datë 09.07.2020, si dhe nenin 24 paragrafi 3 të Ligjit Nr.06/L-114 për Zyrtarët Publikë, ka konstatuar se nëpunësi civil ka të drejtë të paraqesë ankesë në KPMSHC për çdo veprim apo mosveprim, që i cenon të drejtat apo interesat e ligjshme, të drejta këto, që burojnë nga marrëdhënia e Shërbimit Civil. Ndërsa Ligji Nr.05/L-031 për Procedurën e Përgjithshme Administrative, neni 127 përcakton se: *1. Ankesa duhet të parashtrohet brenda tridhjetë (30) ditëve nga data kur pala është njoftuar për aktin administrativ; 2. Ankesa kundrejt heshtjes administrative mund të parashtrohet jo më herët se shtatë (7) ditë dhe jo më vonë se dy (2) muaj pas skadimit të afatit për njoftimin e aktit administrativ.*

Andaj, duke u bazuar në shkresat e lëndës, respektivisht deklarin e ankuesve se me datë 18.02.2020 i janë drejtuar me kërkesë Drejtorisë për Buxhet dhe Financa si dhe Zyrës së Personelit në Komunën e Malishevës, për njohjen e të drejtave të pretenduara si në ankesë, Ankesën e datës 30.06.2020 të parashtruar nga përfaqësuesi i autorizuar i ankuesve në Komisionin për Zgjidhjen e Kontesteve dhe Ankesave pranë Komunës së Malishevës, si dhe Vendimin Nr.01/918 të Komisionit për Zgjidhjen e Kontesteve dhe Ankesave, me të cilin është shpall jo kompetent për shqyrtimin e ankesës të ankuesve, Kolegji për Shqyrtimin e Ankesave, vlerëson se ushtrimi i ankesës me datë 08.12.2020 në Këshillin e Pavarur Mbikëqyrës për Shërbimin Civil të Kosovës, është jashtë afatit ligjor të përcaktuar me nenin 127 të Ligjit Nr.05/L-031 për Procedurën e Përgjithshme Administrative.

Bazuar në këto rrethana, Kolegji për Shqyrtimin e Ankesave, duke u bazuar në nenin 129 paragrafi 1 nën paragrafi 1.3 të Ligjit Nr.05/L-031 për Procedurën e Përgjithshme Administrative, si dhe nenin 18 paragrafi 1 nën paragrafi 1.7 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, vendosi si në piken 1 të këtij vendimi.

Ndërsa, lidhur me ankesën e ankuesit _____, Këshilli i Pavarur Mbikëqyrës i Shërbimit Civil të Kosovës, shpallet jo kompetent për të vendosur, *sepse:*

Kolegji për Shqyrtimin e Ankesave, duke i'u referuar shkresave të lëndës përkatësisht Akt Emërimit Nr.01/78 të datës 11.01.2012 ka konstatuar se ankuesi _____ mbanë pozitën e vozitësit në Drejtorinë e Administratës së Përgjithshme, dhe i njëjti nuk ka statusin e nëpunësit civil, por statusin e nëpunësit administrativo-teknik-dhe mbështetës, siç parashihet me dispozitat e Ligjit Nr.06/L-114 për Zyrtarët Publikë, përkatësisht nenit 2 paragrafit 6 ku përcaktohet se: *Nëpunës administrativo-teknik dhe mbështetës është zyrtari publik, që kryen veprimtari ndihmëse, të mirëmbajtjes, ruajtjes, vozitjes, si dhe veprimtari të tjera të ngjashme në institucionet e administratës publike.*

Andaj, duke u bazuar në nenin 6 paragrafi 1 nën paragrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, ku përcaktohet se Këshilli është kompetent për të vendosur vetëm për nëpunësit civil dhe kandidatet për pranim në Shërbimin civil, Kolegji



për Shqyrtimin e Ankesave, pas analizimit dhe vlerësimit të të gjitha shkresave të lëndës si dhe duke u bazuar në kompetencën e Këshillit, vendosi si në piken 2 të këtij Vendimi.

Vendimi hyn në fuqi në ditën e nënshkrimit nga Kryetari i Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë/ Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS

Lënda Nr. A. Nr. 398/2020


Rushit Kajtazi
Procesmbajtës


Ardita Haxhnikaj Demi
Kryetare e Kolegjit



Vendimi i dërgohet:

- Përfaqësuesit juridik te grup ankuesish avokatit
- Kryetarit të Komunës së Malishevës;
- Udhëheqësit të Personelit në Komunën e Malishevë ;
- Arkivit të KPMSHCK-së

